

## სემინარი ახლაციხის უნივერსიტეტში

2005 წლის 25-26 ოქტომბერს რამოდენიმე ტაძრის მრევლი და სამღვდელთა გავრცელებული მესხეთ-ჯავახეთში სიწმინდეების მოსალოცად. იმავდროულად შემწეობა ჩავუტანეთ ვალეს, ივლიტას, არალის, უდესა და საროს მოსახლეობას, მრავალშვილიან ოჯახებს, ტაძრებს, მონასტრებსა და მრევლს მართლმადიდებლური ლიტერატურის, საკვები პროდუქტების, ტანსაცმლის, სკოლის სახელმძღვანელოების, რვეულების, სხვა სასკოლო ინვენტარისა და ფულადი დახმარების სახით.

ახლაციხეში ჩასულებმა შევიტყვეთ, რომ ახლაციხის უნივერსიტეტში უნდა დაწყებულიყო პრეზენტაცია გაბრიელ ბრაგანტინისა და ნუგზარ პაპუაშვილის წიგნისა, რომელიც დაიწერა თინა იველაშვილის წიგნის – „სოფელ ივლიტას ღვთისმშობლის სახელობის ეკლესია“ – საწინააღმდეგოდ. ჩვენ გაგვიჩნდა ამ წემინარზე დასწრების სურვილი, მითუმეტეს, რომ სემინარზე დასწრება თავისუფალი იყო. მისვლისთანავე და პირველი გამომსვლელების, ბატონების: ბრაგანტინის, პაპუაშვილისა და ჩინრაძის გამოსვლის შემდეგ აღმოვაჩინეთ, რომ მოვხვდით არა სამეცნიერო სემინარზე, რომელსაც უნდა განეხილა სოფ. ივლიტას ტაძრის კუთვნილების საკითხი, არამედ ერეტიკოსების მიერ დაგეგმილ კათოლიციზმის საქადაგებლად მოწყობილ შეკრებაზე, რომელზეც, ძირითადად, ორგანიზებულად შეკვრებილ-მოყვანილი ჰყავდათ კათოლიკეები, მათ შორის 5 სასულიერო პირი. მოსახლეობის თვალში ორმხრივობის ილუზიის შესაქმნელად სხდომაზე მოწვეული და პრეზიდენტში დაბრძანებული იყო მღვდელი ზაზა თევზაძე, რომლის ანტიმართლმადიდებლური და ანტიეკლესიური საქმიანობაც კარგადაა ცნობილი საზოგადოებისათვის. ის დაჰყავთ ყველგან, სადაც ლანძღვენ ეკლესიას, მართლმადიდებლობასა და მართლმადიდებლებს.

ორიოდე სიტყვით საპრეზენტაციო წიგნის შესახებ: ბრაგანტინ-პაპუაშვილის წიგნის მთავარი მიზანი და შინაარსია მართლმადიდებელი ეკლესიის ლანძღვა და მისი დადანაშაულება ფილეთიზმის მწვალებლობაში, ასევე, – კათოლიციზმის პროპაგანდა, რომლის დროსაც გამოყენებულია სიცრუე და ცილისწამება, მართლმადიდებელი მრევლის დადანაშაულება ძალადობასა და კაცთმოძულეობაში. რაც შეეხება ივლიტას ტაძარს, ამაზე სემინარზე თითქმის არ იყო საუბარი, ქ-ნ იველაშვილის წიგნის კრიტიკა იყო არამეცნიერული, დასკვნა – ტენდენციური და თავხედური, დაახლოებით ასეთი – არავითარი მნიშვნელობა არა აქვს, ვისი აშენებული იყო ივლიტას ტაძარი თავდაპირველად. რადგან იგი რევოლუციამდე კათოლიკე მრევლს ეჭირა და მას ჩამოერთვა, ამიტომ მართლმადიდებლებმა იგი ესევ კათოლიკე მრევლს უნდა დაუბრუნონო. მათ თავიანთი მოთხოვნა დაუკავშირეს სომეხ კათოლიკეთა მოთხოვნებს, რაც თანახმიერია სომხების პრეტენზიებთან საქართველოში 650-ზე მეტი ეკლესიის მათთვის გადაცემასთან დაკავშირებით. ასე შექმნეს კათოლიკურ-სომხური ფრონტი და გააერთიანეს პრეტენზიები, მიმართული მართლმადიდებლებისა და მართლმადიდებელი ეკლესიის წინააღმდეგ.